



UNIVERSITÄTS-
BIBLIOTHEK
PADERBORN

Antiquae Lectionis Tomus ...

In Qvo Plvra Qvam XX. Antiqua monumenta, nunquam edita

Canisius, Heinrich

Ingolstadii, 1602

Caput 38.

[urn:nbn:de:hbz:466:1-64160](https://nbn-resolving.org/urn:nbn:de:hbz:466:1-64160)

nerum mirificus fuit. Smyrna vrbs Asiæ terræ motu ruit. Antoninus in Pannonia morbo periit.

Commodus.

Romanorum xv. regnavit **COMMODOVS** annis xiii. Commodus de Germanis triumphavit. Commodus Imperator Colossi capite sublato suæ imagini caput iubet imponi. Commodus multos nobilium interfecit. Incendio Romæ facta, palatium, ædes Vestæ, plurimæq; vrbs pars solo æquantur. Commodus strangulatus in domo Vestali moritur.

Caput 38.

Romanorum xvi. **Ælius** regnavit menses vi. **PERTINAX** cognominatus: qui obsecrante vxore sua Augusta, vt filium suum Cæsarem appellaret, contulit: sufficere, dicens, quod ipse regnaret inuitus. Occiditur in palatio, **IULIANI** iurisperiti scelere, quem postea **Seuerus** apud **Miluium** pontem interfecit.

Romanorum xvii. regnavit **SEVERVS** annos xix. **Seuerus** Parthos & Auaros superavit. **Severo** imperante thermæ **seuerianæ** Romæ factæ. Persecutio in Christianos facta. * **Leonides** gloriose martyrium accepit. **CLAUDIO ALBINO**, qui se in Gallia Cæsarem fecerat, apud **Lugdunum** interfecto, **Seuerus** in Britannos bellum transfert, vbi recepta maxima eiusdem prouinciæ parte, murum per centum triginta quinq; millia à mari ad mare duxit. **Seuerus** moritur **Eboraci** in Britannia.

Caput 39.

Romanorum xix. regnavit **ANTONINVS** cui nomē **CARACALLA**, **Seueri** filius an. vii. **Antonin⁹** Romæ thermas sui nominis **antoninianas** edificavit. Tam impatiens fuit suæ libidinis, vt **nouercam** suā **Iuliam** vxorē duceret. **Antoninus** interficit an. ætatis suæ **xliv**.

Romanorum xix. **MACRINVS** regnavit anno vno. Interficatur in **Archelaide**.

Roma.